

皇清文穎續編

皇清文穎續編卷三

論

適占論

紀昀

臣聞聖人相師聖人亦不盡相師其相師者孟子所謂若合符節是也其不相師者因革損益而已至於道大而用神則變化無不宜運量莫能測故以德召福其受第祿邀申錫者爲千古聖人所未有以人承天其權衡至善啟佑無疆者亦爲千古聖人所莫及

蓋聖者詣極之名亦無盡之量其聖至於不可知其
化裁之妙自一一因心立制而相師與不相師均非
所論矣洪惟

太上皇帝體協乾元健行無息

御極以後綜理萬幾無一時不殫其勤劬無一事不
燭其委曲無一人不鑒其情僞是以

德澤徧陬遠

功烈震荒憬已爲往牒所罕覲

壽開九袞以後

康寧逾昔宵旰彌勞無纖微倦勤意羣臣听久仰窺
私相欽美咸謂精明強固萬萬年無極乃以

天懷沖挹

聖孝純摯於繩

武之中申敬

先之志不欲推策卜年數逾

皇祖初元

親祀卽以六十年歸政精誠

默祝

吳繹上通迨今先

天弗違克符

定志遂以丙辰正月初吉

臨御殿廷

詔告天下

授寶璽於

嗣皇帝天下臣庶咸謂十紀以來以聖人相禪者惟堯舜禹然伊耆媯姁實非父子一家聖人相繼者惟周文王武王然文王大勲未集不能及

太上皇帝鎮撫四瀛數週甲子亦未能端冕丹雀之戶親教武王以周典也

太上皇帝親舉

盛儀實度越三五前無舊軌又謂詩稱宜民宜人受祿于天傳稱民和而神降之福

太上皇帝敬

天勤民

揆文奮武

功德懿鑠合撰清寧用能

久道化成

圓穹篤祐

親見五代

授受一堂洪範所謂康強逢吉者古有斯言今見斯

事用知兼備諸福在古聖人之上實天人之應捷於

影響是皆誠然然

臣謂見

聖人之迹者當深思

聖人之心知

聖人致福之由者當仰求

聖人所以載福之道夫螽斯衍慶疑承

大寶此

上帝之佑命也

皇清高宗純皇帝
卷二
太上皇帝遵密建之

家法自

宮庭舊學之時不知幾經審慮而後先定於癸巳癸
巳以後越二十二載又不知幾經歷試信爲克肖而
後宣

詔於乙卯

聖心不見聲色天下亦莫得而測度是何如詳慎也
且夫帝王之學研究經訓講求治法考證史籍旁稽

政典不如實練乎國事精一危微上溯心源謨烈顯
承遙思鴻範不如近得於身教蓋隨機而指其通變
則萬事之利弊無不詳因材而示其予奪則萬物之
情狀無所遁是以知

嗣皇帝之克荷

神器而

特命正位以

歸政又信

嗣皇帝之能契

聖訓而

親爲裁制以

傳心此

太上皇帝善承

上蒼篤祐之意而委曲周詳以衍萬年之慶以造四

海之福者豈曰

耄期而倦惟雲牖松楸

高拱九重受天下之養哉僂數自古聖人有一
睿慮深遠

神謨廣運如我

太上皇帝者哉夫衆人不能致之福聖人能致之衆
人不能爲之事聖人能爲之此聖人之所同也詩書
所載三代而上已千百年僅一遇矣至聖人不能致
之福獨

一聖人能致之聖人不能爲之事獨

一聖人能爲之此非聖人之所同也有二曜五緯廿八舍而崑崙岱華不足以言高有宗動天出乎繫表而二曜五緯廿八舍又不足言高有渤海而三江九河不足以言深有大瀛海包乎地外而渤海又不足言深談堯舜文武之事於

今日其亦猶是乎雖管窺蠡酌不能得

高深萬萬之一然一管所闕要亦天之晷度一蠡所酌要亦海之津潤也故不揣櫟昧竊舉區區推測所

及著

大聖人無逸之本志經久之遠圖較量往昔而以邁
古名其篇誌

皇風之極盛亦私慶_臣之躬逢極盛也至於

太上皇帝功德之茂與夫

典禮之隆

恩澤之溥亦皆曠古所未覩者在廷諸臣作爲歌頌
鏗鏘震耀傳示奕禩已不可以殫數固無待_臣之複

述焉

端本導源論

紀昀

嘉慶九年二月三日

皇上修

高宗純皇帝故事

駕幸翰林院

賜宴賦詩仍用張說集賢院詩

御製首末兩韻而

親簡與宴者三十八人人分一韻其餘亦

命以次聯句各申抃慶之心

典禮商皇

恩澤優渥凡橫經鼓篋之士皆以爲儒者之至榮互相勸勉務爲凌跨枚馬之文以歌詠昇平敷揚

文治

微臣

謗劣亦幸以兩入翰林叨領儀部得與分

韻之數燕衍之餘私心揣測竊謂此

高宗純皇帝端本之

治導源之

化

皇上夙承

家法勤求治理因

舊緒而修舉非徒宏獎詞章廣陳華藻也嘗聞伯益
頌堯曰乃聖乃神乃武乃文聖神心性之精微非尋
常所能窺測武以戡亂文以致治則功化釐然可述
矣然五材並用七德咸昭實經天緯地之一事則文
又武之綱維歟蓋前聖之禮樂刑政著爲典則曰文

後聖述其軌範勒爲彝訓亦曰文則六經是也未經
刪定以前學校之制已春夏教以禮樂秋冬教以詩
書矣刪定以後儒者世世守之遞相訓詁以爲經世
之大法所謂爲天地立心爲生民立命爲往聖繼絕
學爲萬世開太平者雖非章句之士所能坐言而起
行然所誦說實爲三五之鴻規周秦之際百家淆亂
董仲舒始排斥異說斷然以孔氏爲宗蓋治術多歧
惟斷之以聖經則申韓之刻酷不足言刑法桑孔之

聚斂不足言財用孫吳之詭道不足言善兵管商之
綜覈不足言察吏一切雜霸之制均不致取利一時
貽患後日且儒術大明化行俗美卽方臘徐鴻儒之
徒亦不能終於惑民文爲治本豈不然歟西漢東漢
以後傳在經師自宋迨明乃以翰林爲文藪伏考

欽定歷代職官表翰林卽古史官所職初非一事亦
參雜不出於一途多以他官兼攝至唐置集賢院而
其秩始尊至宋以翰林學士掌制誥而其權始重至

明則士子登進必出甲科甲科之中拔其尤者爲翰林翰林仕宦之捷有優息林泉坐待遷轉至九卿而後入朝供職者惜所講者僅詞賦名臣碩學或間出其中亦氣節經綸皆所自具非從詞賦中來然四民首儒鄉黨之風俗多視儒士之趨嚮儒士又以翰林爲首名場之聲氣尤多視翰林之道引故其官雖不治政事而起化之源則恒在是焉我

國家初建三院後改今制

高宗純皇帝欽定詞林典故於前代藝文以張說詩
爲首乾隆甲子十月

駕幸翰林院

賜宴賦詩卽以此詩分韻非徒以時代居前也亦以
自明以來翰林以雕華相尚幾忘儒者之本業惟說
此詩一則曰誦詩聞國政一則曰講易見天心夫詩
有貞淫奢儉可以觀天下之政教有興觀羣怨可以
正天下之性情於言志之中寓無邪之旨在上者以

是事君卽爲純臣以是蒞民卽爲循吏在下者有所
觀感則易爲善有所懲創則憚爲惡推而廣之卽陶
冶萬類無難也易著盈虛消息之機別吉凶悔吝之
兆玩其比應承乘以決存亡進退可以應天下之變
可以決天下之疑萬幾殷繁亦不疲於屢照矣其餘
諸經雖限於聲偶不能縷數而書之道政事春秋之
嚴褒貶禮之正名定分別嫌明微亦緣是可以類推
豈非臨馭之要道宰制之大權俱握其本哉唐自顯

慶以後以詞賦貢舉方尊進士而薄明經說獨引君
以經術其識遠在當時上

特取是詩以分韻

聖人之所見大矣恭讀

聖製幸貢院詩有曰

志賢聖志應須立言孔孟言大是難明取士之貴通
經也又曰

鳳池多少簪毫者都向龍門燒尾來明翰林本以經

義進毋忘本也所以

訓誡詞臣者至矣所以

宣示治本化源者亦深且遠矣我

皇上

作

述相承

重華協

帝特於

幸翰林院前一日

詔舉

經筵明示宗經之至意

先聖

後聖其揆一矣臣叨列講官伏聽孟子

御論闡化民之至教符魯論務本之旨周易

御論明節用之中道酌周禮理財之法

國家大政均源本於聖經於此可以仰觀亦可以共

觀豈徒以榮寵儒臣爲藝林佳話哉昔周公作周官
使六卿分職各率其屬以倡九牧阜成兆民而篇終
申誠以學古入官議事以制孔門四科游夏並列文
學而一則嘉其武城之化一則訓以單父之政聖人
之教於是可思然則

高宗純皇帝之肇舉是典實以詞垣導儒士以儒士
導四民均使勉遵詩禮之訓以釀熙皞之風習染所
摩蓬隨麻直氣機所感鷹同鳩化

皇圖恢廓

帝治邛隆所以六十年

釀化懿綱超乎百代我

皇上追紹

前型觀揚

光烈

親政以來使封疆之吏皆飭其簠簋災歉之民皆登
於衽席九嬰三苗之類偶見於唐虞之世者亦無不

蕩平埽埏乂安靈臺偃伯復舉玉堂燕飲之禮以申明

高宗純皇帝右文資政之意笙簧酒醴之樂雖在

天臨之一地而稽古之榮傳播乎四極莫不嘏處霆聲賡歌颺拜之盛雖在燕喜之一時而

心法密契

治法欽承可以造黔黎之福迓天地之和萬萬世咸保太平昔周之盛也君以鹿鳴以下五詩嘉惠其臣

臣亦以天保九如仰答其君不過通上下之情見交泰之意耳焉能如歲紀一周

鴻儀再舉以周孔之正傳造陶姚之遐軌哉

臣

幸際

昌期躬逢

盛典和聲以鳴者響然並作鳧藻抃舞莫可名言雖管窺尺度不足以盡天地要所見亦天地之一隅歌頌不足以盡

聖人要所見亦

聖人之一事不揣庸陋仰推

敷文之忱以見

高宗純皇帝久登上理有本有源我

皇上克紹丕基善繼善述均前古之所未有闡發萬

一昭示來禩是則

臣

區區之志云爾

擬四子講德論

謹序

劉躍雲

臣躍雲稽首頓首言

臣伏見

皇帝陛下

道隆繩

武

德懋敷文天地節而四時成陰陽和而萬物得神人

歡洽朝野熙恬迺以甲子仲春聿修

前典

駕臨翰苑宴樂需雲凡由詞臣通籍者咸得瞻覲
清光醉飽仁義泰交豫動洵千載一時不易遭逢之
嘉會也昔

高宗純皇帝肇舉斯禮

先臣

綸備員太僕榮荷觀

光會在賡吟之列今

臣

復以樗櫟菲材濫叨侍從再

世承

恩榮幸感激不能自已謹倣漢王褒四子講德論撰

文一篇繫扣管窺彌增慚汗其辭曰

有管城學究者問於石渠墨客曰蓋聞雷始奮而蟲
啟蟄日始和而鳥鳴嚶箕函風而虎嘯解作雨而雲
蒸時至氣應倫物之大情也今

皇上化彌幬載撰協清寧龐鴻揚烈通駿蜚聲丕昭
曠典允迪

前經廣賡謁於虞陛恢燕樂於鎬京

御芝蓋

莅槐廳奏鈞樂薦湘醺淵雲墨妙嚴樂筆精莫不漱

芳藝圃揆藻

天庭吾子盍亦鏘洋金石以誌榮遇於登瀛乎墨客
迨然而笑曰夫乾坤日月非圖畫所能形也泰山河
海非塵露所能增也學究曰是則然矣獨不聞洪鐘
之叩隨大小而皆鳴衢樽之酌任淺深而胥盈歟姑
以子之所見而揚搢之墨客曰唯唯翰林清署厥號
鑾坡北向

金闕東臨玉河蓬山縹緲芸館嵯峨方塘活水古井

新波猗桑詠李翠柏栽柯庭花旖旎院柳婆娑雕檻

虹亘

璇榜星羅

軒書垂薤

義畫蟠蚪奇逾周鼓勁軼虞戈五車輿博四庫精多
秀鍾奎壁寶聚隨和經師馬鄭詞伯羊何趨朝橐筆
退食鳴珂燃藜校勘輯柳編摩官居蓬島於焉嘯歌
乃眷

乾心

特崇賁飾大壯摹爻斯干採什王爾引繩般倭削墨
玉杵霜飛神鎚電激奧窔棲寒陽阿駐日瓦緝魚鱗
輦騫鳥翼象構聿新鳩工旣畢歲在閏逢夾鍾應律
春日載陽二月初吉屏翳清塵鈞陳扈

蹕紫燕駢衡斑麟伏軾畫扇繡幡金鉦瓊鉞豹尾干
羣騶牙一色野會川沖天旋地業望

幸鳧趨迎

鑾鵠立佩夏珩璜班分槐棘

萬歲呼嵩衆星拱

極雍雍乎秩秩乎隨

法仗以徐驅導

乘輿而肅入

天子乃翔

禹步升

孔堂源探洙泗神契羹牆聽金石絲竹之窈渺瞻車

服禮器之輝煌

睿容惟穆迴憩東廂是時未舉乎

堯觴也爾其緹幕霞開幔城錦聚繡脊雲楣綺交月
宇

寶座當軒華裯列廡展覲

龍光筵排鸞序爰

詔太常宣和樂府六律伶調八音夔拊孤竹空桑崇
牙樹羽鶴笛鳳笙鯨鐘鼉鼓三闋鸞歌七聲霓舞雪

然若陰斂陽開而

盛德揚詡也爰

命太官擷芳食譜顓頊司觶祝融劑苦春韭秋菰夏
籩冬稌燕髀猩脣熊蹯虬脯九醞蘭英三清桂醕傅
相伊公和羹負俎魚麗鹿鳴陽晞露渥然若海納
山藏而

洪施周溥也旣醉旣飽孔惠孔時悉率左右鼈抃
丹墀

皇帝曰咨咨爾庶司今日良會盍各賦詩

天章倬

宸翰揮裁成月斧潤色星機陶風鑄雅勒鼎鐫彝曰
旦旦兮雲縵縵麟儀儀兮鳳師師盈廷授簡拜手陳
詞聯章製錦分韻探驪相銜跗萼如貫壘篋宮動商
應璧合珠纈春景遲遲春臺熙熙式燕以衍薄言旋
歸以視夫漢之未央長樂魏之西園南皮顏王之序
曲水沈宋之咏昆池賞花釣魚之興觀醵合樂之儀

亦猶棘林螢耀而與龍燭爭輝也非

盛世孰能與於斯乎言未既傍有金門待詔避席而
起曰墨客之言盛矣美矣抑

聖人之用心或不盡乎此也請折衷於承明太史乎
二子遂因待詔爲介而修士相見之禮焉太史有睟
其容正襟危坐而告之曰客徒究其末未探其本也
吾與子食德飲和所從來者遠矣

皇上御極以來單心有密昭事

昊穹

郊

壇殷薦灌獻必

躬斯卽有媽之類帝而禋宗也

橋山展謁

清廟升香

實錄

實訓率由不忘斯卽成周之揚烈而覲光也

萬幾宵旰歲省日欽闢門明目作礪沃心斯卽夏后
之聽五聲而惜分陰也同民憂樂思已溺飢

頒帑發粟惠我無私斯卽陶唐之安耕鑿而順識知
也

闡道辟雍

敷言講幄增額禮闈掄才宗學昭

文德之譽髦而追琢焉夬決師貞萬全百勝蜀道天
開楚氛霧淨仰

武功之過劉而耆定焉於斯時也聲震疊兮澤汪濊
倫軌同兮玉帛會羣八柱以爲門環四溟以爲帶富
與地乎侔貲量與天乎比大在藻魚萃棲梧鳳翹車
乘翹翹冠裳藹藹署啟文昌星連華蓋

盛禮肇修

殊恩特沛蓋所以鼓吹休明樂人和而彰道泰也且
夫饗訓恭儉之謂義燕示慈惠之謂仁義嚴而天澤
之分辨仁洽而堂陛之情親貴其誠非貴其物尚其

德不尚其文由頤有慶安樂漸磐則易之大烹以養
賢一獻百拜矩折規旋則禮之酒食以合歡都俞交
贊和協同寅則書之熙績乎昌言令儀溫恭鼓坎舞
蹲則詩之觀度乎賓筵將以釐爾羣工勗茲有位鞅
掌無不酬之勞欵曲無不盡之意獻替同心水火相
濟若鹽梅之和五味倡和同聲風雲從類若律呂之
宣六氣各迪厥功各奮厥志各殫厥才各敬厥事奉
揚

鴻造之慈感切素餐之愧醞釀乎秋實春華經緯乎
周情孔思此則我

皇上之觀人文以化成

垂衣裳而致治者矣寧惟是伴奭游歌雍容儀衛折
俎加籩承筐侑幣示黼黻乎

太平垂藝林之故事云爾哉於是三子喟然興歎曰
崇哉乎

聖德微先生無以啟鄙人之聾瞶也逡巡降階拜抃

而退

衍福論

謹序

劉鏞之

聖天子在位之十有四載良月上吉爲

五旬萬壽慶辰於時

作人之化旣洽

錫祉之綸允渙純和所被百靈效祥經瀆黃流告翕
於瀛壤朝宗順軌之慶薦綏豐顯禎兆焉

聖上撫成抑定介

釐茂典却而弗舉惟夫東南河瑞寰寓均貺景星慶

雲游麟儀鳳之輝猶形褊飾山琛海賁銀甕金
船之貢詎方符紀是以

召對卿尹

都俞屢及在

廷簪筆之彥識而繹之用以宣

上德而抒下情鋪鴻藻而申景鑠導揚

嘉庥雍容奏

御斯亦修辭立誠之則也

臣

謹按古志河通天苞維

流地符圖書之說雖異然河以統雒故釋洪範
者有皇極象天之文足知苞符相貫感召惟一
我

皇上秉籙御天建其有極

聖德

聖功之煥焯隆茂皆庸

斂時敷錫禔福中外至於

參兩錯綜極數以當萬物固非元苞不足以賅之蓋

範疇五位居中而著策肇始於五十今

聖壽紀五方以大衍之數衍皇極之福而河祇呈瑞
宜已且夫極者福之本福者極之效五福初起
壽爲稱首若斯之徵蓋以鏡

義圖經

軒紀衍策於萬有一千五百二十以循至億秭京垓
兆籙所推莫可探其蹟也

臣

山左鄙儒家世荷

國厚恩躬忝卿貳預班祝嘏冀形容儀若祥淑於萬

一竊仿答問體著爲衍福論一篇謹拜手稽首
以獻其詞曰

有鄒魯文學濡風飲化戴景乎

曼壽之寓延企

懋典徠游於

闕下諗知華省侍臣繇桑梓而歷鵷序迺造廬而請
曰蒙聞夫臆槃燭者不可與度圓暉信錐指者不可
以測大矩今

聖人統世衍祥源溶福緒頽

寶算之洪翼

錫羨於敷天率土

綸詔疊宣典禮具舉

湛恩逢涌闔澤涵煦蒙以礫處傾聽徒飫聆乎海岱
之陬東謳西缶欽驪軒舞翕若雲集若雨曾未耀日
月之末光儀王會而快覩是庸翹誠

帝京跂萬方輻輳之隆以究四極四瀛之庥祐予大

夫躬逢

盛際麗矚洞觀願誌

上儀而悉數侍臣曰慎哉問乎夫

聖人以至道爲融延不以蕃景爲昭泰也以

龐禡爲布濩不以靡文爲藻績也迺者

發德音

垂明旨屏縛節抑貢獻九州之岳牧侯伯暨華離邊
遠烏許狼臯之殊域方喁喁嘒嘒馳驩而臚忭儲爰

閭之琛幣慶舒虹與爍電

聖上擊篤弗允

特斟酌於歲覲之班俾効鳬趨而遂瞻戀金鞵之月
駕駐仙莊萃塞部諸汗哈薩克使臣及呼土克圖環
叩於

卷阿之敞殿啟

萬樹園設燎肆宴

命外徼以歸息近藩湊乎

畿甸於是

天行迴軫

紫闥旭綯風舉佩散星羅簪弁

陛三呼而雷應觴

萬壽而霞薦蓋疊疊穆穆胥所以揚洪輝奮景炎者
制裁於

聖度之冲慈而惟吹渥膏以滋榮暢永風於旁扇也
且子亦烏知

福

德之相仍

斂錫之相因凡與時偕行以

洪衍於億人兆人者固大衍範疇之義所放而循焉
者哉文學曰然蒙至蠢愚不足以知德源

慶澤之外流晞燦爛乎神明之式以語

道真猶索塗而躡埴願子大夫閱我以

帝圖博我以

皇極侍臣曰懿鑠哉我

大清之丕膺

眷命也朱果發祥白嶽基慶

厚澤龐撫

天祿保定蘊

累朝之淳懿貺介祓乎

上聖綈

祁

姚於一家

授芝璽而

大居正爰始

齋精肸飾諲禮

昊穹

三垓八觚

裸鬯必躬

辛祈上春

雩夏

郊冬

原宥密緝熙之誠

製

南郊北郊之記

壇

圻降輦酌其儀風雲占候黜其瑞如響應聲之

昭格儼乎其

日監在矣

列祖

列宗於昭于天

祇適紹庭

鴻謨聿宣啟塗滕以環誦

舊章洽乎心傳

睠遼瀋之神與度巘原與流泉述

締構於盛京之頌書

躬戰於松山之篇，儻美牆則

宮史續序昭穆則

玉牒編皇哉

高宗之聖訓實錄敬纂至千八百卷，所以紹

四得而紀

十全蓋禮曰承天之福，又曰貽汝百福，元符神契是
迪

戢穀繫維專享而獨美哉

謂

天

祖

考垂恩儲祉徽顯晃儵將以降於寰區予一人祇迓
而固篤之故迺三靈協應徧燮諧於萬族也文學曰
淵乎

斂福旣備

錫福開原曼衍無算靡可殫論雖然願循厥次而陳

誕畧焉侍臣曰詩不云乎燕及皇天克昌厥後此言
流光積慶首盛天家磐石之宗固愷惠所必加儀夫
乾清旦闢芳春萌芽親藩聯姻禮合會嘉

繹殿額於惇本叶敦葦與縣瓜

瀛臺惇敘之宴滋湛露而愈渥被需雲乎無涯是以
儷若木者蕃枝鍾玉潢者炳華綺星敞其菴藹璿萼
揚其蕤葩至於班爵之均厥品惟四固已轂篆而章
締矣猶增顯榮烏奕淳朱芾而潤璋珪擢以甲乙之

雋科敎以省署之職司造以肄誦之正業銓以蔭莛
之華資雖拜音圖濟馬祐之廢冑靡不競彪鴻於黃
胄復輦帶於已禡迺

申彝教以啟迪著宗室之

訓辭俾振振焉繩繩焉積麟趾信厚之行以引翼百
世之本支昔軒帝封青陽夷鼓蕃姓於姬高陽高辛
裔惟元愷亦著美濟師徵祚福於衍派曾何足以方
茲文學曰九族旣睦便章百姓

爵命爲福衍而益盛願有述焉侍臣曰五等序勲六
官庀職院司府寺位乎九棘各率屬以展案占庶明
之勵翼

聖上則垂拱司契握鏡咸臨

御勤政殿

作記

作箴

著銘刻漏警怠惜陰晨

求衣以秉燎待趨朝而盍簪

丹毫批章燭幾理蹟簽名

宣召卿士復逆樞臣珥筆而承

旨乃渙布乎星驛

離宮按度斗車屢移候傳餐乎昧旦承

寶誨於寅咨防息宴而翫惕勵溫恭以恪之時值

騶巡

駐蹕行在幔城璫幄

覽摺引對一日二日有萬幾蓋所以釐百工而康庶
事外則節鎮屏藩握符剖竹監司廉訪繡衣豸服及
二千石以下州牧邑令丞尉之屬綱紀大小持以任
肅陞

觀聆

訓誥誠諄復川形土狀萬里洞矚稟

睿旨以宣猷奉郵函而相續務責效於臂指稽吏案
之積牘故服休服采者僉庸震動恪恭無敢玩易乎

司牧且夫臯謨知人惟

聖作程材德之

說著法廉之

論明丕勸威於黜陟晰淑慝於旌別

咨慎銓於吏曹

俞密薦於卿列

闢門達聰獻納恐後芻蕘仄遠陳言奚咎

褒褰亮而斥唯阿更

垂箴於虛受庶言庶獄

執兩用中

示聽訟與慎刑頒

宸篇爲折衷貢篚屢祛供儲有禁捐廉是拂言利必

墮革齋牖

崇儉素

辨義利懲貪蠹杜苞苴絕遺賂飭司庾稽筦庫茲所
謂持內維而紐外綱庸畢張乎治具也若夫

聞道宏文煥炳星日邇英延英儒紳戢香

聖辭爲經舊六云襲

味餘定本

御製初集富有百卷雲珠裏笈續詞林之典故

幸壁府而韻疊萃作者於有唐共文頴以編輯則文
學侍從之臣潤色鴻業矣

顧衣家法

示武習勞

神鎗在御弧矢在櫜順時節以蒐狩

躬教演夫龍韜

箴八旗毋忘騎射瞻河鼓之象於高高列火器則蹲
鐵獸陳冰嬉則抃金鼇銳曠厲其攫搏飭綠營水師
以防操斯干城之衛嚴而專閫之任叨焉夫鎔挺者
成材剗輶者展力建懋庸者享鼎鐘保賢名者煥竹
帛故曰福所以興唯人所召乾爲介福

大君象耀衍及於千品萬官固儀載而式燾也文學

曰允哉勤矣由是衍之蒼生之福可得而究歟侍臣
曰夫陶唐興作息之謠有虞陳橐飭之篇周文求莫
卽康卽田故知展三時之宏務

聖人所以重民天歲春月吉亥龍璫方會載

莅青郊縹輶黛輶

御耦旣從

躬推以四

譜禾詞而勸穡平艷咨乎保介

觀稼弄田

省耕別墅時祈瑞霽月諗暘雨先秋成以約收計四
鬴與三鬴星霜節屋爾風之詩

攄章序列民依是知務穀人之耕耘廣絲人之織紵
謀吉貝之功用炳

題繪之

睿吟故人含哺而挾纊熙然忘

帝力於何有而不知痾瘵之切乎

帝心也迺振民之所乏展民之所誦肇自初元普蠲
秸秬計年爲常貸厥口率乘新韶以

錫祺循

蹕程而沛

恩綽偏裨偶被小歉必恤豁逋加賑千廩萬鎰行糜
首衢

賜棉冬日或

頒給夫帑儲或截輓夫舟秣

孚實惠於暇廬除五蠹與六蝨蓋存救之術旣宏而
滂仁洋溢焉且曩者不嘗有事於三省邪方白蓮煽
妖苗頑胥訐蔓延湖湘三巴九嶷郭無遺室道轉駭
蓬

聖人憫有衆之不辜

旰宵茹榮以籌戎爰迺牙璋發卒玉帳演經

簡帥統師如雷如霆當車輒碎螳捧海斯滅螢掩蟲
沙於萬簇落櫓槍之一星搜原剔藪執訊底刑撫彼

脅從歸我生靈壘靜逾滅野枯復青罷七載之金甲
洗時雨以脫腥然後返蠶旗嵌狼弧卒喧饒農卽鋤
完舊壤之聚落弛新田之稅租保息日久繒被粟舖
蓋秦楚蜀疆之黎首數千萬萬迺所謂更造而再蘇
至若荷精布氣渾流湯湯并渠鹽澤伏脉燉煌出三
門以導豫經淮海而達冀方睢邵豐汎繼以衡樓重
險屢占隋隰中州祝龍堂使返風合麟隄以斷流
畿輔潦溢永定河徙土車兩輦墁萬里猶

勤玉輅於析津展黃圖而

閱祗南國下隰坊庸是保櫛清口之匯流疏雲梯之
故道高堰巨石以輶延洪湖蓄波以浩淼莫不勞

鬣剔而費水衡峙綵黼而排竹筵衛絹鄉與庠土咸
肥仁而宜稻濱河之衆象協皞熙又何止舞魚人而
遊五老况乎瀛區迴濶結寮爲村鯢身鹿耳蓮洋松
門通南閩而貨聚接東粵而市喧草竊不靖師徒是
煩縛長鯨以驅鯢揮戈鋌以浪奔收餘孽而翦蔡懼

鼃令之游魂樟舶息其鳴桴薯畦散其列屯此所以
慶又安於甌滢而徧子惠於元元也於斯之時縣區
含澤匝宇被仁都邑相望比屋接畛杖國杖鄉麋梨
鮐耆曾見七代曾列千叟相與邀

恩賚於璆精戴冰銜而綰錦綬矜佩逢布懷槩握牘
逢春勝七遇秋勝六相與承

教澤於

臨雍占茅茹而謁緘樸紆力禺筴課則免之平價列

屢成則展之

國寶繪冊大利溥之廿鑑禁采淳風煦之故夫安利
之謂福順其類者謂之福羣生相衍樂得其欲佇中
區以覩泰平四表蔚乎雲屬已文學曰蒙聞

聖人散太極之泉以福無方之外渾溶衍溢靡遠弗
屈不知荒徼屬籍又何如其滂醴而汪濊侍臣曰

國家德威遐播九寰在宥幅員旣長旼章孔厚王享
來庭自天所覆覺沮顏焦齒臬瞞之邦文犀菌鸛統

牛之貢侈陳曩籍而猶陋焉夫緬羸績於

恢疆稽舊志之方域式闢二萬餘里可數者三百餘
國我

皇撫之盡經緯乎地扨彼夫廓爾喀爾宛部無算鴻
臣雁僕穹廬毳幔布甌脫則固藩籬充宿衛則勤守
扞高秋上塞

車駕行邊

示綏懷而彌典舉

記木蘭而穹碑鐫於時雲山紫翠霜林丹鮮龍沙鏡
平鹿柴幪圓

辰罕平臨乎星野周陸迤以岡連迥千二百騎於兩
翼樹

黃纛爲中權名王肅其負弩侍子景從以駢闐繳駭
獸之悽遽畢驚禽之飄翩裂文皮於躍鋌隕遊鵠於
控弦數獲旌勇

賞優賚豐鶯領耀日翠冠曳風具什榜之奏酌和尼

之醕開月城以詐馬羣侍宴乎

帷宮斯迺扈

蹕之歲例所以聯一家於中外者蓋如戶闔之相通
矣若青海之表黑水之西戎索之所未觐漢唐之所
未躋胥統一乎候尉亦何論乎康居與渠犁其游牧
則雪嶺其屯種則冰山探星源於崑柱度春風於玉
關重鎮列城而卧治馳虎節以往還其花門異種駝
褐茸裘獻綠漿之葡萄貢赤汗之驂騮方驅喀拉於

內田耕新闢之良疇其黃教總持烏斯衛藏遞丹書
克頂禮回向

金瓶垂制

威力普仗近者達賴示現祝

佛無量置蓮床而

頒特命俾大千以供養輝

寶墨於普陀宗乘之都綱表祥異於呼畢勒罕之真
相故法輪長轉

皇風肆鬯屬須彌界於大震旦雖距億萬由旬而奚
障哉然是皆版籍攸登在西北封內猶未及乎象胥
舌人所典之荒裔也迺有朝鮮爲古扶餘蠶台駟望
之邑黏蟬蓋馬之墟錫

宸翰以照臨疊

寵命以永譽岸紗幘於傳薩寶首奉乎車書迺有南
掌越裳遐冒蒲葉金表之文花象瑤光之宿渡丹海
之遼澗十載慰其瞻就迺有略阻唐黠夏斯受學四

門遣彼童觴

敷聲教乎極北捐畛域於格爾必齊迺有緬甸城乎
阿瓦摩銅壁而闢啟涉金沙而江瀉率昭綱昭祿以
徠臣

庇猛養猛密如字下迺有暹羅輪悃赤土譯梵音於
陀那通海貳以無阻迺有琉球

璽冊屢加闢山程於姑米問島俗於巴麻更有麓洽
羸婁交趾之隩舊阮是宅違義忘報肇蠻觸於內訌

覆厥壤於蛾鬧福映翹趾而樹頌籲

中朝之封誥

胙以龍編之土

錫以越南之號俾句臚按序職貢補圖九譯咿嘯萬
狀睢盱正元朝會鞞轆奏筵競踰舞以納款願奉朔
於億年詩曰降爾遐福

聖人之福信流衍乎極遐而靡有概量也文學曰然
則策以衍文範以衍疇

聖人修而兼用之盛福應於大九州願子大夫闡發
數理以揆厥所繇侍臣曰夫易有太極北辰是各生
兩儀與日月幹四時與五行列十二月二十四氣以
轉運穆居所而受成此以一策用四十有九而爲五
十數之所由并箕疇保錫北極是象立大中以施教
衆從化而歸往用斂聚五福之道正反側與偏黨此
以一疇總上下而爲次五之德所由廣

聖上辰居其極筦道之樞

乘天時行建中用敷惟體元而則大迺協契乎苞符
富有大業日新盛德分陰陽以贊化育攝乾坤之二
策測夫乾爻坤爻各成一位陽一爻行三十有六陰
一爻行二十有四衍二百十六而乾儀昭衍百四十
四而坤則備遂互衍至下篇上篇爲四千六百有八
與六千九百一十有二

化裁推行神明所存先庶物而

首出妙萬物而爲言必將

觀至蹟於會通

御至動以貞一殊途同歸有孚元吉是以

道德爲福從斂百祥好子而家

錫類篤慶

錫卿士之福有能有爲羞正行而邦昌

錫庶民之福是訓是行仰

敷言而近

光

錫天下之福會極歸極遵蕩平而來王豈非舉而措之彌綸无方衍天地之洪敷溥

景福於滂洋者哉且夫當蒼象閏章部所肇始也逢吉康彊純常所自致也敘福首壽乘五數而來備數往知來積五十而衍元會

聖壽五旬

壽身

壽世日引月長臻千萬億歲

膺多福以安念元懋衍而靡既則有河清之祥告河
圖之將至焉蓋天人合應惟古可稽龜書以畀奴龍
圖以授羲圖圜規天而賅地數疇方萬地而順天行
政故維符統於河苞所以章

聖孚光

寶命

聖人受之

劭寅虔

篤祇敬益以衍無疆之福永延長而承

天慶也然則肉角采麟甘露嘉醴浸潭之美孰與乎
龍翼乾則神卦靈兆之禱黃金玉英珠淵之珍曷若
元扈翠鳩丹書之文泰元增受封禪贊饗孰與乎綠
字披觀寰瀛慶仰外臺衆幣物采煌煌曷若東序秘
寶天哲亮章今子仰

都會之光昌而未覩壖壤之禎瑞希

鴻儀之炳耀而未究

淳化之醴粹不亦闡歟於是文學捧手避席而起曰
汪汪乎丕哉

上德之契天淵盈塞庥嘉凱豫亘以

鴻則野人誠鄙詎量

大穹幸自今獲聞碩論將與海岱之氓懷淳抱慤頌
義年奉

昊歲長熙愉乎

至仁之帡幪

三十六宮都是春論

朱珪

天有六位地有六氣六六卅參還相爲宮陽位潛於
元淵陰氣遇於碧穴日躔月蟠交光瀏晶以協以居
往來芾芾乘龍十二以紀於斗以摻於時故曰天棊
其根月參其竈陰陽貿乘重三十六乃攔於春乾爻
陽六宮復一姤五臨二遯四泰三否三大壯四觀二
夬五剝一凡陽之宮三十有六坤爻陰六宮姤一復
五遯二臨四否三泰三觀四大壯二剝五夬一凡陰

之宮三十有六凡陰陽各三十有六宮根於復落於
乾竊於姤墜於坤循環交通母隱子胎黃龍之護擢
於包魚顧菟之闕籍於响雉羸蹄旣釣會雞旣中故
孔子執之以作春秋也天之根在坤之復爲龍尾坤
娠陽於氏孕陽於尾易龍戰於野其血元黃氏爲天
根尾氣斥絕下復於箕箕爲天口先王以至日閉闕
關其口養其根也坤初往姤乾初來復箕斗之次朋
喪東北龍龜之交五陰異室乾之二來臨之宮龍出

於田龜靈於澤坤之二往遁於南易曰執用黃牛莫
之勝說是居牽牛之次三陽自否來於泰宮襲女之
北天帝之孫是曰帝乙歸妹營室包荒河漢用馮四
陽大壯入五帝之車舍是曰壯于大輿之輹奎爲封
豕羝藩羸角鬣之剛也婁爲犧牲喪羊于易婁之傷
也五陽決一陰曰夬入昴畢閒爲天街陰陰國坤維
陽陽國乾維日月五星之所出入君子之所夬也駕
龍十五入於乾宮乾爲虎首坤爲龍尾易曰雲從龍

風從虎龍興致雷虎然生風西南遇陰坤乃得朋金
氣旣盛水德旺於章漢太微之庭月五星之軌道也
東井南北河月之竈也軒轅黃龍體女主象虎交於
龍故曰女壯傷鉞誅鑽井是爲繫于金柅二陰入遯
陰自尾而來曰遯尾陽自首而往柳注星頸遯之肥
矣否則陰陽夷矣客主攤矣張素觴客翼主遠客泰
以陰爲鄰否以陽爲賓軫車礮礮上而生風大觀以
成杓攜龍角攝提四方盥於廟亢牽於驂房心爲明

堂君子得與小人剝牀雌龍十五以入於坤相憊相
輶瀟於其尾尾爲九子媾於陽九至十有一月虎始
交龍虎首尾敦圉蝸蟠天月根龜輪困盤糾三十六
宮旣布十二政用修天之北極出地三十六度南極
入地三十六度陰陽維綳交於其極會於其根月離
於畢夫以遇兩乾以首虎目從於箕復以息風坤以
尾龍綳綳萬物化醇畫人夜人亢其若春像春
之象謂之連山孳春之精謂之歸藏芳春之莢謂之

周易鑒春之色謂之太元通春之化謂之皇極春之
爲義賢矣贊曰

元惟天踵牡惟地竅黃宮通理白室生耀鸛鷖儀天
蜺腦依月莫梔其根疇測其蝟眎交坎離雌雄在腹
推光吐景環於朏胸坤道藏往復心知來六六之宮
如登春臺